

etiam aliquo modo nutriret, sed haec limitatio communius, et probabilius negatur ab Escob. Præpos. Marc. Viva Spor. Renzi Tamb. Diana, etc. Et ratio est, quia fumus non sumitur nec per modum cibi, ut dicetur in tertia regula, nec revera est cibus in se comestibilis, aut manducabilis quem voluerit ecclesia prohibere, juxta communem dd. sensum (1).

40. Nec pariter frangit jejunium tabacum, aut aroma dentibus attrita, semper ac foras expuitur succus. Ita etiam communiter Lugo Holzm. Bonac Spor. Coninch. Præpos. Trulench. Salm. Viva Renzi, etc., aduersus Heno qui sustinet quod mandendo illas res, semper aliqua portio in stomachum transmittitur, quam ob rem evenit quod (ut dicit) pituita ejiciatur. Sed respondit Cardinalis de Lugo, quod ad pituitam ejiciendam non requiritur ut succus in stomachum descendat, sed sufficit ut tabacum ad os applicetur, nam ita immittitur in stomachum virtus puitam ejiciendi nervis mediis, qui ad stomachum respondent. Et hoc etiam, ut dicunt Tannerus Lugo Escob. Tamb. Viva, etc., etiamsi deglutitur, sed præter intentionem, aliquid succi, salivæ inseparabiliter admixti, quia tunc non trajicetur per modum cibi, sed saliva. Imo Lorichius excusat, etiamsi casu granum integrum deglutiretur; sed hoc recte non admittunt Bonac. et Tamb.; secus vero esset si deglutiretur aliqua minima particula insensibiliter immixta saliva, quia tunc revera per modum saliva trajiceretur. Cæterum omnes convenient hujusmodi masticationem indecentem esse ante Communionem, unde non est immunis a veniali, nisi adsit aliqua causa excusans (2).

41. Volunt Suar. Fagund. et Tambur. etc., ne frangerè quidem jejunium aquam per narices in stomachum transmissam, ut de tabaco dictum est. Sed ego hoc non admitto,

(1) I. 6. n. 280. dubit. 2. — (2) N. 280. dubit. 3.

si quis ex proposito id racere; et quod de aqua puto, idem mihi videtur de tabaco, et de quocumque digeribili: quia licet haec actio de se non sit potativa, nec manducativa, sed dumtaxat attractiva, nihilominus quando illa ex proposito intenditur et ordinatur a persona ad transmitendum in stomachum potum aut cibum, tunc per æquivalentiam illa actio induit moraliter rationem potationis, aut manducationis; nam jam intercedit tam materia potabilis aut manducabilis, quam actio apta ad consequendum eundem finem quem habet potatio aut manducatio (3). Secus vero, si casu in stomachum aliquid transmitteretur. Et idem communiter dicunt Nav. Suar. Lug. Hab. Conc. Ronc. Salmant., etc. de eo quod per modum respirationis deglutiretur, v. g. parum pulvris a vento sparsi, aut musca, aut gutta pluviae, et hujusmodi, si hoc casu trajicetur, non frangit jejunium; sed illud frangit si data opera id fiat, quia tunc vera manducatio evadit (4).

42. 3. Regula: ad frangendum jejunium requiritur ut habeat rationem cibi vel potus. Hinc queritur, an deglutire capillos, ungues, lapides, ligna, chartam, et similia impedit a Communione? Alii universe negant, ut Ledesm. Busemb. Diana Renzi, etc., ex regule mox allatae applicatione, nempe quia hujusmodi non habent rationem cibi, saltem quia usu communi cibi non reputantur. Alii contra universe affirmant ut Layman Castrop. Wigandt Ronc. et Salmant. dicendo quod reverentia erga Communione exigit ut ante illam nihil in stomachum transmittatur. Sed sententia communior, et quæ milii magis arridet, est illa Concinæ Lugo Tourn. Escob. Holzm. Vivæ, Spor. et aliorum, quæ distinguendo dicit jejunium non frangere ea quæ digestibilia non sunt, ut sunt capilli, metallum, crystallus, ungues et serica aut lanae fila, quia hæc

(3) Ibid. v. idem. — (4) Ibid.

non nutrunt, nec cibi rationem habent. Citant adversarii pro se s. Thomam; sed nos ostendimus in opere morali s. Thomam in hoc nostræ sententiæ non adversari, saltem non esse aperte adversum (1).

3. Contra frangunt jejunium omnia que digeri possunt, nempe illa que, in stomacho cum alterari possint, in hominis substantiam convertuntur, ut sunt charta, paleæ, fila linea, pulvres medicinales, cera, quia hæc ordinarie aliquid mellis retinet; et idem dicunt Lugo Wigandt Escob. Viva et Mazzotta de terra, seu argilla quam solent comedere mulieres, dum in illa semper (ut dicunt) inventur aliquid in stomacho alterabile, adeoque nutritivum (2).

44. Notandum 1. celebrare statim a cena insomnum et indigestum non impidere a Communione ratione præcepti jejunii, ut docent communiter Suar. Juv. Bonac. Sot. Nav. etc., ceterum bene advertunt Tour. Conc. s. Thoma (3), quod aliquando convenit a Communione abstinere ab mentis torpore, ratione cuius ut loquitur Angelicus *Homo fit ineptus ad sumptionem hujus Sacramenti*. Sed hoc non intelligendum quis, quantum potest, nititur ut tali torpore liberetur, et ut devote ad Sacramentum accedat, præsentim si vigilia aut indigestio provenerit ex justa, aut naturali causa, ut dicemus n. 56. in simili casu (4).

45. Notandum 2. expuere statim a Communione culpa vacat, semper ac nulla suspicio subest quod aliquod fragmentum sit relictum in ore; ita Sanch. Azor. Bonac. Wigand. Holz. Croix, ex s. Thoma. Idem dicit Holz. de comediente aut potatione statim post Communione, nam licet olim ex *Iribus, de Consecr. dist.* 3. jejunium protrahendum esset usque ad sextam, attamen ut testatur s. Thomas (5) hoc præceptum jam diu

(1) Lib. 6. n. 281. — (2) Ib. v. securus. — (3) 3. p. q. 80. a. 8. ad. 5. — (4) I. 6. n. 280. v. hic ultimo. — (5) 3. p. q. 80. a. 8. ad. 6.

abrogatum est. Cæterum hoc facere sine causa, dum etiam Species sacra perdurat in stomacho (ut per horæ quadrantem saltem pro sacerdotibus), non excusat a veniali; ita communiter Suar. Aver. Quarti et Dicast. ex s. Thoma, qui loco citato hæc subjungit: *Debet esse aliqua mora inter sumptionem hujus Sacramenti, et reliquos cibos*. Dictum est *sine causa*, quia qualibet justa causa excusat, v. g. si daretur signum mensæ pro Religioso, etc. (6).

46. Videamus nunc in quibus casibus possit suscipi Eucharistia non jejuno: 1. Cum Communio datur per Viaticum in periculo mortis. Dictum est *in periculo*, quia ad recipiendum Viaticum non est necesse, nec laudabile expectare tempus, quando nulla amplius spes vitae subest; sed sufficit ut adsit periculum probabile mortis. Et tunc non dubitatur a doctribus quin possit plures accipi Viaticum, etiam durante eadem infirmitate, dum hoc Sacramentum non solum sumi debet ob præcepti satisfactionem, sed etiam ad robur aduersus tentationes, quæ in morte sunt validiores et periculosiores. Et hoc non tantum si novum superveniat periculum, sed etiamsi idem perdurat; ita communiter Sot. Suar. Tollet. Laym. Silvest., etc. cum Benedicto XIV. qui Episcopos hortatur ut parochis insinuent, quod ipsi Viaticum in eodem morbo ministrare debent usque ad duas aut tres vices (7).

47. Quod dubitatur est 1. quantum intercedere debeat temporis inter unam et aliam Communione; communius Silvest. Concinæ Tourn. Busemb. Salmant., etc. dicunt octo dies; alii sex, ut Armil. Filliuc. Diana Possev., etc.: et non improbabiliter Laym. Escob. Ronc. et Hurtadus fidenter dicunt Viaticum posse etiam sequenti die replicari, cum infirmus solitus erat saepè communicare; et cum imminent morale mortis periculum; imo Castrop. Armil.

(6) I. 6. n. 283. — (7) De Synodo 7. c. 12.

Tamb. et Dicast. admittunt universum posse replicari quolibet die (1).

48. Quæritur 2. an qui paucis ante diebus ex devotione communicaverit, superveniente mortis periculo, teneatur sumere Viaticum? Alii cum sententia communiori id negant, etiamsi ante octo dies communicaverit; ita Layman. Suar. Concina. Roncag. Bonac., etc., quia, ut dicunt, jam ille per eam Communionem se ad mortem præparavit, quarejam satisfecit fini præcepti. Hæc sententia est satisprobabilis, saltem ut dicunt Suar. et Lugo si periculum mortis naturaliter accidat, quia tunc tempore Communionis sumptæ jam coepit moraliter imminere periculum. Sed probabilius affirmant Vasq. Castrop. Conc. Tourn. Habert. Diana Salm., etc., quia hoc præceptum quod divinum est, præcise obligat cum actu urget mortis periculum; et sicut non potest debito satisfieri antequam illud contrahatur, ita nec adimpleri præceptum, antequam obligare coeperit. Nec valet dicere quod per illam Communionem jam præcepti fini satisfactum sit, quia si hoc sufficeret, sufficeret etiam ad adimplendum præceptum paschale, ut quis communicaret die precedente Dominicam Palmarum, sed hoc nequit dici (2).

49. Quæritur 3. an qui mane communicavit ex devotione, debeat aut possit Viaticum sumere, superveniente mortis periculo? Tres adsunt sententiae. Prima dicit teneri ut satisfiat præcepto. Secunda dicit non teneri sed posse; ita Roncagl. Gob. Anacl., etc. Tertia dicit non teneri nec posse, cum praxis Ecclesie easit ut nemo bis eodem die communiceat. Benedictus XIV. *de Syn l. 7. c. 11. n. 2.* dicit parochum posse quam maluerit harum amplecti sententiam, unde omnes tres ut probabiles habet. Cæterum inter has probabilior mihi videtur sententia Cardinalis de Lugo qui distinguit, et dicit quod in mor-

(1) l. 6. n. 285. v. Sed dubit. 4. — (2) Ib. dubit 2.

bo violento, v. gr., si quis fuerit vulnera percussus, vel ex alto ceciderit potest communicare: secus vero in morbo naturali, quia ille qui mane communicavit, et jam coepit corripi morbo (qui diei progressu postea dignoscitur mortalis), moraliter communicavit in mortis periculo, quod jam mane aderat licet lateret. Et idem dicendum cum Suar. de apoplexia, dum hic morbus judicatur quod jam prius in suis causis existebat (3). Advertendum cum Viva et Salmant. quod si infirmus sine difficultate potest recipere Viaticum jejunus die sequenti tenet expectare; modo interim absit periculum mortis; aut si non posset observari jejunium etiam postridie, quin omitteretur medicina opportuna: aut si Sacramentum deberet afferri intempesta nocte. Cæterum recte dicunt Sot. Nav. Filliuc. Salm. et alii communiter quod in hoc non est scrupulose procedendum, dum Concilium constantiense Sess. 13. absolute eximit moribundos a lege jejunii (4).

50. Quæritur 4. an sacerdos ministrans Viaticum possit aliquando ex juxta causa omittere verba illa: *Acceipe, frater, Viaticum, etc.*? Negant Clericatus Tamb. Quarti. etc., quia Rituale rom. hoc expresse præcipit: et Paulus V., loquendo de rubricis in Rit. præscriptis, dicit: *Inviolata observent.* Hoc non obstante probabiliter permittunt p. de Alex. (de Monialibus) Tonellius et Pasqual. in casu quo infirmus magna animi tristitia Viaticum sit suscepturus; nam ad satisfaciendum præcepto non requiritur intentio satisfaciendi, sed sufficit ut ponatur opus præceptum, ut diximus Tr. 2. n. 29.; aut sufficit intentio interpretativa. In quantum ad Rituale, respondent quod illud præceptum non respicit omnia ibi descripta, sed illa tantum que Ecclesia et probatus usus antiquitatis statuit, ut loquitur Bulla. Saltem non po-

(3) N. 285. dubitat. 3. — (4) Ib. v. hic autem.

test dici quod præceptum profendi illæ verba inducat gravem obligationem, sed tantum levem, a qua bene excusare potest quilibet justa causa, qualis esset illa supra adducta (1).

51. Quæritur 5. an sacerdos non jejunus ad Viaticum ministrandum possit celebrare? Affirmant probabiliter Concina Major. Fernand., etc.; et hanc sententiam uti probabilem admittunt Lugo. Filliuc. Escob. Viva, etc., quia in eo casu, ut dicunt, debet præferri præceptum divinum, quod obligat infirmos ad Viaticum, ecclesiastico quod obligat sacerdotem ad non celebrandum non jejunum. Sed communissime et probabilius id negant Sot. Silv. s. Antoni. Suar. Lugo. Nav. Busemb. Salm. Tourn. etc. quia præceptum non celebrandi post cibi sumptionem etiam est divinum in substantia, ratione reverentia Sacramento debitæ. Nec valet dicere quod idem præceptum quod permittit infirmo communicare non jejuno, permittit etiam sacerdoti non jejuno celebrare, ut infirmus communicet: quia responderetur quod in tantum infirmus non jejunus potest communicare, quia in ipso concurrunt in eo casu tam præceptum ecclesiasticum jejunii, quam divinum sumendi Viaticum, ideoque hoc, cum sit divinum, præferendum est; sed sacerdos, qui unico tenetur præcepto non celebrandi non jejunus, non potest hoc violare ut infirmus suo satisficiat (2).

52. Hactenus de Viatico, nunc ad alios casus descendamus in quibus possit Eucharistia sumi a non jejunio. 2. Potest sumi a non jejunio cum subiecto periculum ne Eucharistia pereat, aut male tractetur. Et tunc si desit sacerdos, potest eam sumere etiam laicus; et potest licite sacerdos etiam eam prebere laicis non jejunis, ut dicunt Suarez Vasq. Lugo, et Busemb. (3).

(1) l. 6. n. 285. v. dubit. 4. — (2) N. 286. v. queritur, utrum. — (3) n. 287.

53. 3. Cum periculum scandali esset, si omitteretur celebratio, aut Communio. Unde fit quod si sacerdos in celebrando recordaretur non esse jejunus, si id post consecrationem accidat, tunc certum est quod potest celebrationem prosequi, quia non potest sacrificium imperfectum relinquere, ut dicemus numero sequenti: sed cum recordatur ante consecrationem, debet ille a Missa desistere, semper ac potest sine scandalo, aut infamia nota, ut dicunt omnes cum s. Thoma (4). Nihilominus p. Concina cum nonnullis aliis dicit hic, quod raro potest hoc scandalum accidere, dum illi facilis negotio occurri potest, declarando se inconsiderate aliquid sumpsisse. Sed contra s. Bonav. Sot. Angel. Reginald., etc. dicunt sacerdotem nunquam posse Misam inchoatam deserere, cum celebrat in publico, quia quasi nunquam tunc potest sine scandalo desistere ab ea; et idem sentit Continuat. Tourn. (cui ego adhæreo), dicens quod semper potest timeri scandalum, modo celebrans non esset vir nota; aut saltem presumpta probitate (5).

54. 4. Cum perficiendum est sacrificium. Quod multifariam evenire potest. 1. Si sacerdos animadverterat pro vino sumpsisse aquam, etc.; tunc potest aut novam hostiam simul cum vino consecrare, ut multi autumant fieri debere, aut potest consecrare solum vinum, ut admittunt alii; utramque sententiam Rubrica (*de Defect. lit. 4. n. 5.*) dicit esse probabilem, si celebretur in loco publico, tunc enim bene potest consecrari tantum vinum ad vitandum scandalum. Advertunt Tamb. Lugo et Conc. quod si sacerdos animadverteret errorem, dum in ore adhuc retinet aquam, debet eam tunc deglutire, ne se periculo exponat projiciendi aliquod fragmementum Hostie una simul cum illa. Insuper advertunt Coninch. Laym. Salm. et Busemb. quod si sacerdos id

(4) 3. p. q. 83 a 6. ad. 2. — (5) l. 6. p. 287. v. 3. si grave, et seq.

advertisit, cum jam est ad sacramentum regressus, tunc omittere debet novam consecrationem facere. Quod si ante Missæ absolutionem, sed post sumptionem, aut post consecrationem de iini materia dubitaret, dicunt Tamb. Spor. Mazzotta quod præsumenda est materia apta, dicentes possessionem stare pro vini substantia. Sed dicunt melius Pasq. Gob. Av. et Croix quod semper ac adest prudens dubium, et potest aliud vinum haberi debet illud expectari et consecrari dum non potest dici esse in possessione vinum illud de quo jam dubitatur, an sit vinum, sed potius possidet præceptum faciendi Sacrificium integrum. Cum tamen adsit tale dubium, dicunt quod secundum vinum sub conditione consecrandum est, si prima materia consecrata non fuit: alioquin etiam incurrit periculum faciendi sacrificium mutilatum (1). 2. Pebet sacrificium perfici a sacerdote non jejunio, si contingeret quod celebrans post consecrationem deficiat, nam tunc tenetur alius sacerdos (si adest) etiam non *iē' unū* Sacrificium perficere (2). 3. Si post consecrationem alterius speciei recordetur sacerdos non esse jejunus, quia tunc tenetur perficere sacrum. Dictum est post, nam ante tenetur illud deserere, quoties sine scandalum aut infamia potest, ut paulo ante diximus (3). 4. Si, ablutione sumpta, advertat sacerdos aliquas reliquias ejusdem Sacrificii reliquias, ut diximus n. 18. (4), dicunt Bonac. Filliac. et alii, quod, cum post sanguinis sumptionem Hostiae particula calici adhesisset, aut palato, decentius est cum ablutione eam sumere quam digito ad calicis labium eam attrahere, et sic eam sumere; sed Rubrica utrumque permittit. Certum est sumere hostiam simul cum ablutione tam a sacerdote quam a laicis, non laedere legem jejunii, quia licet vinum trajiceretur antequam de-

(1) l. 6. n. 288. et etiam 206. v. quadriuum. — (2) N. 288. ad 2. — (3) N. 287. v. si sacerdos et 288 ad 3. — (4) ibid ad 4.

(5) De Sacrifici. Missæ l. 3. c. 47. —

(6) l. 6. n. 288. ad 5. — (7) De Sacr. Miss.

l. 3. c. 7 n. 4. in fine. — (8) l. 6. n.

289. — (9) In 4. d. 9. q. 1. a. 4. q. 2.

ad. 2.

glutiatur Hostia, talis sumptio censetur moraliter una, ut docet Benedictus XIV. (5) et communiter Lugo Suar. Vasq. Laym. Castrop. Conc. Bonac. Holzm. Croix Salm., etc. (6).

55. 5. Licitum est non jejunio celebrare ad mortis periculum vitandum; ita Silvest. Viva Diana Salm., etc., modo id non exigatur in Ecclesiæ contemptum. Admittunt etiam Silverstr. et Diana posse celebrari mortis metu sine vestibus sacris, extra altare, etc. dicentes præceptum Ecclesiæ non obligare cum tanto onere. Sed merito has opiniones non admittunt Suar. Tamb. Tour. Merati. Roncag. Conc. Cajet. Sanchez Castrop., etc.; etiamsi celebrandum esset ad dandum Viaticum, ut subiungunt Lugo Dicast. et Benedictus XIV. (7), quia (ut recte advertit La-Croix) in præceptum contrariae sententiae difficulter possunt esse licitæ, dum difficiliter, ita celebrando, potest vitari contemptus, ut iidem Laym. et Esco. fatentur, aut saltem scandalum et gravis irreverentia: itaque subintra præceptum naturale, saltem reverentia debita sacrificio, a quo præcepto non excusat metus mortis (8).

56. Pro complemento hujus materiæ nempe dispositionis ad communionem, queritur 1. an pollutio habita eadem Communionis die impedit ab illa? Distinguendum: Si pollutio fuit voluntaria, absolute loquendo, per se non impedit (modo præcesserit, intellige, debita confessio), ut omnes concedunt; communiter tamen dd. docent teneri pœnitentem subveniali abstinentia ea die a communicando, propter reverentiam Sacramenti debitam ita Lugo Salm. Conc. Viva et. ex d. Thoma (9), qui tamen excipit: *Nisi magna necessitas urgeat; quod intelligitur, ut recte aiunt Bonac. Led. Gran. Salm. Viva, et*

alii passim, nisi scandalum vel alia justa causa Communionem exigat, prout prudenti confessario videbitur loquitur Rubrica Missalis (*de Defect. n. 9.*). Si vero pollutio fuerit involuntaria, etiam communiter docent s. Bon. Gerson Nav. Laym. Soto Suar. Vasq. Salm. et alii plures cum Rubrica *loco cit.* nullam esse obligationem abstinentia a Communione; modo nulla fuerit relictæ et adhuc perseveret pertubatio mentis orta ex delectatione ante habita, vel ex turpi imaginatione pollutionem concomitante; cum hujusmodi eam perturbatione accedere, communiter non excusat a veniali, nisi adsit aliqua justa causa necessitatis, aut devotionis, ut recte limitant Castrop. Sanch Gers. Laym. Holzm. Salm et alii cum d. Thoma *loco cit.* ubi ait: *Si necessitas immineat, cœlere doctio exposcat, talis non impeditur.* Vel nisi homo conetur, quantum potest, perturbationem illam repellere, et media adhibere, ut devote accedat, prout rationabiliter docent omnes aa. mox supra relati cump Suarez, qui pro hac re afferit s. Justinum dicentem: *Non est æquum propter hanc involuntariam passionem abstinere a Mysteriis* (1).

57. Quæritur 2. an copula conjugalis a communione impedit? Quidquid aliqui dicant, communiter dd. tradunt non excusari a veniali propter indecentiam, qui ad Eucharistiam accedit eadem die qua copulam habuit causa voluptatis; ita s. Thomas (2), ex d. Gregorio in c. *Vir. 7. caus. 3. q. 4.* quia it: *Cum vero non amor obprocreandasso lessed voluptas dominatur in opere, tunc prohiberidebet, ne accedat ad hoc Sacramentum.* Recte viro dicunt Sanch. Antoine Salmant. cum aliis, quod a prædicta culpa excusat quævis causa honesta, puta solemnitas sive indulgentia in eadem die occurrrens, evitatio scandali aut notæ, specialis devotio, etc. Si autem copula fuerit absque

(1) l. 6. n. 272. — (2) 3. p. q. 80. a. 7 ad 2.

(3) In 4. dist. 32. q. 1. a. 1. ad 1. — (4) l. 6. n. 273. — (5) Introduct. ad. viam devot. p. 2. c. 20—(6) Lib. 6. n. 274.

mulier frequenter Communionem suscipit, reddat et communicet; si autem raro, ipsa virum preceperit ut pro illa die abstineat; at si rogatio non proficit, adhuc communicet, nisi ea redditione magnam patiatur perturbationem, et ipsa non conetur repellere (1). Debitum autem reddere in die Communionis post ipsius acceptionem excusator ab omni culpa. Petere vero post Communionem, alii dicunt esse veniale, et quidem probabiliter, nisi justa sub sit causa, sed communius Sanch. Nav. Vict. et Tam. sentiunt id esse tantum consilii (2).

58. Ad corporis dispositionem etiam spectat ad Communionem non accedere cum aliqua externa immunditia notabili, et quae facile auferri potest, quia si est occulta, aut perpetua et involuntaria, ut esset lepra, aut scabies, haec non impedit, ut dicunt dd. communiter. Notandum tamen quod sacerdos lepra foedatus, aut alio morbo laborans qui horrem effert, prohibitus est celebrare, ut dicitur in c. *Tua nos. de Cler. ægrot.*, *pro scandalo, et abominatione populi* ut loquitur textus, quare hic secreto bene potest celebrare (3). An mulieres tempore menstrui valeant communicare? Ait Suar. has sub veniali teneri ad differendam Communionem si commode possunt; sed communiter, et probabilius hoc tantum esse consilii putant Palud. Alens. Castr. Salm. et Laym. ex s. Gregorio (apud Laym.), qui de hujusmodi muliere loquens sic dicit: *Si ex veneratione magna percipere non presumit, laudanda est; sed si percipiat non iudicanda.* Mulieribus que immodeste ad Communionem assidunt, v.g. de nudato pectore, bene dicit p. Concina quod Communio deneganda est. Insuper convenit ut qui communicat, arma leponat (4). Item notandum quod sacerdos qui more laicorum communicat, aut ex infirmitate aut

(1) Ib. v. quid autem. — (2) N. 274. v. die autem. — (3) N. 275. — (4) Ib. v. an vero.

ex alia causa, debet habere ad collum stolam; et hoc præceptum fuit a Concilio bracarensi sub pena excommunicationis, ut in *can. Ecclesiastica* 9. dist. 23; sed dicunt Azor. Turr. et Tamb. tale decretum abiisse in desuetudinem. Nihilominus communius, et rectius Suar. Gavant. Bonac. et Barb. non eum damnant de peccato mortali, sed de veniali; tanto magis quod talis ritus expresse prescribitur a Rubrica: *Sacerdotes verum stola communicent* (5).

#### CAPUT IV.

##### *De sacrificio missæ.*

- Videnda quæ dicentur in examine ordinandorum in appen. 3.*
59. *Licitum est recipere stipendium etiam divitiibus.*
  60. *Qui pro una Missa recipit duplex stipendium.*
  61. *Quodnam judicatur justum stipendium.*
  62. *Potest exigiri majus taxa, sed potest prohiberi minus; an qui accepit minus, possit diminuere Missas.*
  63. *Qui omittit celebrare Missam, quam promisit pro parvo stipendio.*
  64. *Qui paciscitur de stipendio.*
  65. *Qui relinet sibi partem; aut celebra per aliud, collato ei minori stipendio; et cui restituenda est pars retenta.*
  66. *Si elemosyna pinguis data est intuitu personæ.*
  67. *De capellaniis.*
  68. *De administratoribus ecclesiarum.*
  69. *Si celebrans partem retentam remittit; et si executor testamenti etc.*
  70. *Qui colligit elemosynas, etc.*
  71. *Qui pern utilat Missas.*
  72. *Pro quo debeant applicare Missas curati.*
  73. *Pro quo alii beneficiati, et capellant Monialium, etc.; et an aliquando possint applicare pro aliis, aut abstinere. Si infirmantur etc. De Missa conventuali.*
  74. *An Missæ prescrivantur.*
  75. *An capellanus possit mulare ecclesiam, altare, etc. Si non celebrat in altari privilegiato. Si celebrat per aliud.*
  76. *De reductione.*
  77. *N. 276.*

77. *Deficientibus redditibus, an possit tem; idque post Decretum Urbani VIII. Episcopus diminuere Missas.*
78. *An possit hoc facere capellanus. De Missa gregoriana.*
79. *An Religiosus possit applicare contra voluntatem Fratris.*
80. *An sufficiat applicatio habitualis.*
81. *De applicatione in confuso,*
82. *De conditionata.*
83. *Si in die Defunctorum, etc. De altari privilegiato.*
84. *ad 86. Peccat graviter qui festinanter celebatur.*
87. *De resolutionibus sacra Congregationis Rituum.*
88. *Catalogus Décretorum Sacrae Congregationis.*
59. *De Eucharistia ut Sacrificio situ in examine Ordinand. append. 3. ex n. 95. et seq.; domtaxat hic adnotabitum nonnulla magis pecuniaria circa stipendium et circa Missæ applicationem. Et primo circa stipendium dicimus quod recipere stipendium pro celebranda Missa sit licet, nemo est qui dubitet, dum s. Thomas dicit (1): Sacerdos non accipit secundum quasi premium Consecrationis, sed quasi stipendium sue sustentationis. Et quia etiam divites mercede digni sunt, cum aliquod opus ponunt prelio dignum, ideoque etiam sacerdotes divites licet exigunt stipendium, ut communiter (contra Cajet. et Silv.) docent Sotus Gerson. Suar. Tommassin. Lugo. Tourn. Conc. et alii (2). Quod autem non sit simonia principaliter Missam celebrare ob stipendium, locuti fuimus Tr. 4. n. 45. et negavimus ratione ex s. Thoma superiori allata, quia tali stipendium non recipitur ut merces rei spiritualis, sed ut sustentatio personæ, quæ operam statim corporalem in Missæ celebrationē impedit*
60. *Adnotandæ 4. duas propositiones ab Alexandro 7. proscriptæ, prima n. 8. dicebat: Duplicatum stipendium potest sacerdos pro eadem Missa licite accipere, applicando petenti partem etiam speciellissimam fructus ipsimet celebranti correspondentes.*
- (1) 2. 2. q. 400. a. 2. ad. 2. — (2) L. 6. n. 316. et 347.
- (3) 3. p. q. 79. a. 5. — (4) Lib. 6. n. 312. v. hic autem. — (5) Lib. 6. n. 349. — (6) N. 320.